

Durangoko merkataritza-, zerbitzu- eta ostalaritza-jarduera sustatzeko erosketa-bonuak diruz laguntzeko 2023eko lehenengo deialdiaren oinarri arautzaileak

Udalerriko merkataritza-, zerbitzu- eta ostalaritza-jarduera berreskuratzen laguntzeko, Durangoko Udalak, eskura dauden baliabideak erabilita, diru-laguntzen gaineko oinarri batzuk prestatu ditu, Hori guztia, Euskadiko Toki Erakundeei buruzko apirilaren 7ko 2/2016 Legearen 17.1.25 artikulua tokiko garapen ekonomiko eta soziala eta tokiko enplegu-planak edo -politikak" egiteko ematen dion eskumen propioa erabiliz.

Helburu horrekin, aurtan, erosketa-bonuak diruz laguntzeko bi deialdi planifikatu dira, eta horrela, Durangoko merkataritza eta ostalaritza sustatzen lagundu da, honako hau lehenengo deialdia izanik.

1. Helburua.

Oinarri hauen helburua da Durangon dauden saltokien produktuak eta zerbitzuak erosteko "Durango bonua" izeneko bonuak diruz laguntzeko baldintzak arautzea.

2. Aurrekontu erabilgarria

Deialdi honetan gehienez 48.000 euro banatuko dira. Gastu hori indarrean dagoen udal-aurrekontuko 81.4314.48101 partidaren kargura egingo da, partida hori deialdi honen xede diren laguntzak finantzatzera bideratuta egonik.

Deialdi honetan erabilgarri dagoen aurrekontu-kreditu guztia agortzen ez bada, saldo hori hurrengo deialdiaren aurrekontua handitzeko erabiliko da.

3. Onuradunak.

Laguntza hauen onuraduntzat joko dira deialdiari atxikitako entitateetako bezeroak izanda, entitate horietan eskura jarritako erosketa-bonuak erabiltzen dituzten pertsona fisikoak.

Bonuak adinez nagusiak direnek bakarrik erosi ahal izango dituzte.

Ezingo dira oinarri hauetan araututako dirulaguntzen onuradun izan dirulaguntzei buruzko azaroaren 17ko 38/2003 Lege Orokorraren 13. artikuluan aurreikusitako egoeraren batean dauden pertsonak.

Onuradunak ez daudela onuradun izateko debekuetan ofizioz egiaztatuko da bonuak eskuratzen diren unean.

4. Diru-laguntza ordaintzea.

1. Bonu bakoitzaren zenbatekoa, hasiera batean, atxikitako entitateek ordainduko diete beren establezimenduetan bonuak trukatzan dituzten bezeroei.

2. Ondoren, atxikitako erakunde bakoitzak justifikatu ondoren, Durangoko Udalak erakunde horiei dagokien zenbatekoa itzultzeko izapideak egingo ditu, 11. oinarrian aurreikusitako baldintzetan behar bezala trukatu eta justifikatutako bonu-kopuruaren arabera.

5. Diruz lagunduko diren gastuak.

Oinarri hauetan aurreikusitako ondorioetarako, diruz laguntzeko gastutzat hartuko dira honako betekizun guzti hauek betetzen dituzten ondasunen salerosketak:

Zenbatekoa.- 10 euroren truke 15 euroko bonu bat erosi ahal izango da. Pertsona bakoitzak gehienez 6 bonu erosi ahal izango ditu.

Non.- Salerosketak irekitzeko lizentzia duten Durangon atxikitutako merkataritza, zerbitzu edo ostalaritzako lokaletan gauzatuko dira; atxikitu ahal izateko, 6.5. oinarrian jasotako betekizunak bete beharko dituzte.

Noiz.- 2023ko apirilaren 19tik ekainaren 11ra arte egindako salerosketak, egun biak barne.

6. Bonuak

6.1 Bonuaren izena.-

Durango bonua

6.2 Kopurua.-

9.600 bonu eskainiko dira.

6.3 Zenbatekoa eta balioa.-

Erositako bonu bakoitzaren balioa 15 eurokoa izango da. Udalaren dirulaguntza 5,00 eurokoa da bonu bakoitzeko. Bonoa erosten dutenek 10,00 euro ordainduko dituzte. Gehienez 6 bonu erosi ahal izango dira NAN bakoitzeko.

6.4 Bonuak eskuratzeko epea eta horien indarraldia.

Bonuak 2023ko apirilaren 19etik ekainaren 11ra erosi eta trukatu ahal izango dira, biak barne. Gastua 2023ko ekainaren 11ra arte egin beharko da, eta ez da diruz lagunduko egun horretatik aurrera egindako erosketarik. Datari dagokionez, dagokion fakturan jasotakoa hartuko da kontuan, eta ez da geroagoko fakturarik onartuko.

15 euroko bonu bakoitza faktura edo erosketa-tiket bakarrean erabili ahal da. Gehienez, 15 euroko 2 bonu metatu daitezke faktura edo erosketa-tiket bakoitzean, betiere erosketaren zenbatekoa erabilitako bonuen berdina edo handiagoa bada.

Oinarri honen lehen atalean ezarritako epean trukatu ez diren bonuak ezin izango dira erabili geroko kanpainetan.

Trukatzen ez diren bonoen zenbatekoa ez da inolaz ere itzuliko.

6.5. Bonuak saltzeko lekua

2023ko apirilaren 19etik aurrera, herritarrek bonuak digitalki erosi ahal izango dituzte **www.bonua.durango.eus** web-plataformaren bidez, baita herritarren kutxazainen terminaletan ere.

Turismo Bulegoa (Kurutzesantu) astearteetan 10:00etatik 14:30era; asteazken, ostegun eta ostiralean 10:00etatik 14:30era eta 16:00etatik 18:30era, larunbat eta igandeetan 10:00etatik 14:30era.

HAZ (Barrenkale 17): astelehenetik ostiralera 08:00etatik 22:00etara, eta larunbat eta igandeetan 08:00etatik 20:00etara.

Bonu bakoitza barra-kode bati lotuta egongo da, eta kode hori erabilera bakarrekola izango da, gero establezimendu atxikietan irakurri eta balioztatzeko.

Erabiltzaileek formatu digitalean jasoko dute bonua (edo bonuak), posta elektronikoz.

Webgunetik, posta elektronikoz bidez berreskuratu ahal izango dira oraindik trukatu edo iraungi gabeko bonuak.

6.6. Ordaintzeko modua.

Ordaintzeko modu bakarra banku-txartela izango da.

6.7 Bonua nola erabili

Erosketa gutxienez 15 eurokoa izango da.

15 euroko bonu bakoitza behin bakarrik erabili ahal izango da. Gehienez 15 euroko 2 bonu metatu ahal izango dira meza batean.

Behin bonoa erosketa batean trukatuta, ezingo da berau itzuli.

6.4 oinarrian jartzen duen moduan, bonuak trukatzeko azkenengo eguna 2023ko ekainaren 11a izango da.

6.8 Itzulketak

Bonuak 2023ko apirilaren 19tik ekainaren 11ra erosi eta trukatu ahal izango dira, biak barne. Epe hori igarotakoan, bonuak iraungitzat joko dira, eta ezingo dira saltokietan trukatu.

Ez da bonuen itzulketarik onartuko. Ez da trukatu gabeko bonuen edo iraungitako bonuen zenbatekoa itzuliko. Gastatu gabeko zenbatekoa ez da itzuliko.

7. Atxikitako entitateak.

1. Atxikitako entitatetzat hartu ahalko dira merkataritza, zerbitzu- edo ostalaritza-establezimenduak baldin eta gehienez 10 langile badituzte, Durangon baldin badaude, eta irekiera baimena badute.
2. Atxikitako entitate horiek entitate laguntzailatzat hartuko dira, dirulaguntzei buruzko Lege Orokorraren 12. artikulua lehen paragrafoan ezarritakoaren arabera. Horrela, lege-arau horretan aurreikusitako araubide juridikoa aplikatuko zaie, hau da, dirulaguntzen kudeaketan laguntzen duten entitateei aplikatzen zaiena.

8. Atxikitako entitate izaera lortzeko baldintzak eta aurkeztu beharreko dokumentazioa.

1. Atxikitako entitateek dirulaguntzei buruzko Lege Orokorraren 13. artikuluan ezarritako baldintza guztiak bete beharko dituzte.
2. Pertsona edo erakunde eskatzaile guztiek honako dokumentu hauek aurkeztu beharko dituzte:
 - a) Eskabidearen inprimaki normalizatua (1. eranskina).
 - b) Pertsona edo entitate eskatzailearen nortasuna egiaztatzen duen agiriaren fotokopia (IFZ, eraketa-eskriturak, dagokion erregistroak emandako ziurtagiria, etab.). Ez dute dokumentazio hau aurkeztu behar aurreko deialdietan parte hartu duten eskatzaileek.
 - c) Zerga-betebeharrak eta Gizarte Segurantzarekikoak egunean dituela adierazten duen erantzukizunpeko adierazpena.
 - d) Entitate laguntzaile izaera eragozteko kausarik ez dagoela egiaztatzen duten agiriak, ziurtagiriak edo, hala badagokio, erantzukizunpeko adierazpena.
 - e) Bere izenean dagoen kontu korrante baten titulartasuna ziurtatzeko agiria (hirugarrenaren fitxa). Dokumentu hori bakarrik aurkeztu beharko da laguntza lehen aldiz eskatzen denean edo kontuan zerbait aldatu bada.
3. IFK bakarria duten baina Durangon hainbat establezimendu duten negozioek establezimendu guzti-guztiak atxiki ahal izango dituzte, banan-banan.
Atxikitako erakundeek Bono Durango aplikazioa gailu mugikor batean instalatu beharko dute kanpaina honetan parte hartu ahal izateko.
App-a saltokirako aktibo egongo da udalak kanpainan parte hartzea onartzen duenean.

9. Atxikitze-eskabideak aurkezteko epea eta modua.

- 1.- Atxikitze-eskabideak aurkezteko epea Bizkaiko Aldizkari Ofizialean deialdia argitaratu eta hurrengo egunean hasiko da, eta 2023ko ekainaren 11an amaituko da.
- 2.- Bat egiteko eskariak I Eranskineko ereduari egin behar dira. Erdua eskuragarri dago udaleko weban eta sede elektronikoan.
Udalak eredu hori telematikoki eman ahal izango die hala eskatzen duten pertsona guztiei sede elektronikoan.
Salbuespen gisa, egoitza elektronikora sartzeko aukerarik ez dutenek, HAZen bulegoetan aurkeztu ahal izango dute eskabidea (Barrenkale, 17). Horretarako, hitzordua eskatu beharko da, 639 580 023 telefonora deituz edo whatsapp mezua bidaliz.
- 3.- Eskaeran berariaz adieraziko da zein den jakinarazpenetarako helbidea. Eskatzaileak berariaz jakinarazi beharko dio Durangoko Udalari gerta daitekeen edozein datu-aldaketa, bereziki eskatzailearen helbideari eta banku datuei dagokienez.
4. Eskabide-orri normalizatuarekin batera, pertsona edo entitate eskatzaileek deialdian zehazten diren agiriak aurkeztu beharko dituzte.
5. Aurkeztutako dokumentazioa egiaztatu eta gero, kanpainari buruzko kartela helaraziko zaio saltokiari.
6. Atxikitako saltoki guztien zerrenda **www.bonua.durango.eus** webgunean argitaratuko da, eta denda kanpainara atxiki ahala eguneratuko da.

10. Eskabidea zuzentzea.

Eskabidean edo eskabidearekin batera aurkeztu beharreko dokumentazioan akatsen bat baldin badago edo osatu barik badago, bost egun balioduneko gehienezko epea emango zaie entitate interesdunei antzemandako akatsak zuzentzeko. Epe hori pasatuta, eskabidean atzera egin dutela ulertuko da, urriaren 1eko 39/2015 Legearen 21. artikuluan aurreikusitakoaren arabera ebazpena eman ondoren.

11. Atxikitako entitateen justifikazioa eta ordaintzeko epeak

Bonuen eta horiei lotutako fakturen trukea horretarako eskuragarri dagoen Durangoko Bonua **APParen bidez** baino ezin izango da egin, dirulaguntzen justifikazioan bitarteko elektroniko, informatiko eta telematikoen erabilera arautzen duen uztailaren 17ko EHA/2261/2007 Aginduan ezarritakoaren arabera.

Atxikitako entitateek bonoak justifikatzeko azken eguna 2023ko ekainaren 23 izango da.

11.1- Nola justifikatu

Egiaztagiriak atxikitako erakunde bakoitzean trukaturako bonuak eta bonu bakoitzari lotutako fakturak izango dira. Bonu bakoitzarekin batera egindako salmentaren zerga-egiaztagiria aurkeztu beharko da (faktura edo faktura sinplifikatua).

Egiaztagiriak **Durango Bonua APParen bidez** izapidetuko dira, honela:

Bezere batek bonua establezimenduan aurkezten duenean, atxikitako erakundeak bonua baliozkotu eta trukatu du **Durango Bonua APParen** bitartez. Bonua eskaneatu egindo da, eta horri erosketaren fakturaren kopia erantsiko zaio.

Durangoko Udalak ez ditu onartuko Durango Bonua APParen bidez trukatu ez diren bonuak, ez baitira baliozkotutzat hartuko, ezta dagokion faktura lotuta ez dutenak, edo bonu eta faktura bakoitzaren arteko lotura zalantzarik gabekoa ez dutenak.

Salerosketa justifikatzeko, aipaturako 4/2013 Foru Dekretuaren 4. eta 7. artikuluen arabera jaulkitako faktura sinplifikatuak onartuko dira.

Bizkaiko Foru Aldundiaren urtarrilaren 22ko 4/2013 Foru Dekretuan (fakturazio- betebeharrak arautzen dituen erregelamendua onartzen duena) eskaturako baldintzak derrigorrez bete beharko dira; hortaz, ez dira gastuen frogagiritzat onartuko honako datu hauek jasotzen ez dituzten fakturak:

- Zenbakia eta, hala badagokio, seriea.
- Noiz egin den.
- Faktura egin behar duenaren eta eragiketen hartzailearen izen-abizenak eta sozietatearen izen osoa.
- Europar Batasuneko edozein estatu kideetako zerga-administrazio eskudunak esleitutako identifikazio fiskaleko zenbakia; izan ere, faktura egin behar duenak zenbaki horrekin egin beharko du eragiketa.
- Eragiketen deskribapena.
- Eragiketari aplikaturako BEZaren zerga- tasa.
- Hala badagokio, eragiten den tributuz- kuota, bereizita kontsignatu beharko dena.
- Eragiketak egin diren data.
- BEZetik salbuetsita egonez gero eragiketa salbuetsita dagoela adieraztea.

.Era berean, ez dira justifikazio-gastutzat hartuko Pertsona Fisikoen Errentaren gaineko Zergaren konturako atxikipenen arloko zerga-araudia betetzen ez duten fakturak.

11.2 Saltoki bakoitzak onar ditzakeen bonuen gehienezko kopurua

Saltoki bakoitzeko, gehienez ere, 15 euroko 300 bale aurkeztu ahal izango dira (4.500 €).

12. Deialdia bideratu eta ebazteko eskumena duen organoa. Prozedura.

1. Prozedurak eskatzen dituen erabaki guztiak hartzeko organo eskuduna alkate andrea izango da.
2. Instrukzio-fasea Zerbitzu Orokorrerako Arloak atxikitze-eskaerari egingo dion ebaluazioarekin hasiko da. Ebaluazio horretan egiaztatuko da eskatzaileak bete egiten dituela atxikitako entitate izateko ezarritako baldintzak, eta aurkeztutako dokumentazioa osatuta dagoela eta zuzena dela. Akordioan berariaz adierazi beharko da zein pertsona edo erakunde izango diren atxikitako entitate izaera hartuko dutenak.
3. Zerbitzu Orokorrerako Arloaren eskumena izango da, halaber, prozedurak eskatzen dituen egintza guztiak bideratzea, behin-behineko ebazpen-proposamena egitea barne. Proposamena oinarri hauetan adierazitako irizpideen arabera egingo da, atxikitako entitate bakoitzak modu justifikatuan aurkeztu dituen bi mota bakoitzeko bonu-kopurua eta, beraz, ordaindu beharreko zenbatekoa ere bai.
4. Ebazteko gehieneko epea hiru hilabetekoa izango da, eskabideak aurkezteko epea amaitzen den hurrengo egunetik kontatzen hasita. Epe hori pasatuta, dirulaguntzaren eskaera ezetsitzat joko da berariazko ebazpenik ematen ez bada, Administrazio Publikoen Administrazio Prozedura Erkidearen urriaren 1eko 39/2015 Legearen 25.1 artikuluan ezarritakoaren ondorioetarako. Ebazpenak honako hauek jasoko ditu: dirulaguntzaren onuradunen zerrenda, bakoitzari dagokion zenbatekoa, eta ezetsitakoaren arrazoi egoki eta nahikoa, halakorik gertatuz gero.
5. Ematen den ebazpenak amaiera ematen dio administrazio-bideari, eta, haren aurka, administrazioarekiko auzi-errekurtsoa aurkeztu ahal izango da administrazioarekiko auzien epaitegian, bi hilabeteko epean, jakinarazpena jakinarazi eta hurrengo egunetik aurrera kontatzen hasita. Hala ere, nahi izanez gero, eta aurreko paragrafoan aipatutako administrazioarekiko auzi-errekurtsoa jarri aurretik, berraztertze errekurtsoa aurkeztu ahal izango zaio ebazpena eman zuen organoari, hilabeteko epean. Ebazpena udalaren www.durango.eus webgunean eta Dirulaguntzen Datu-base Nazionalen argitaratuko da, eta argitalpen horrek jakinarazpenaren ondorioak izango ditu.
6. Aurreko paragrafoan ezarritako epea amaitu eta ebazpenik jakinarazi edo argitaratu ez bada, eskabidea ezetsi egin dela ulertu beharko dute entitate interesdunek, administrazio-isiltasunez.

13. Atxikitako entitateen betebeharrak.

Dirulaguntzei buruzko azaroaren 17ko 38/2003 Lege Orokorraren 15. artikuluan eta Legearen Erregelamendua onartzen duen uztailaren 21eko 887/2006 Errege Dekretuan ezarritako betebeharez gain, atxikitako entitateek honako betebeharrak hauek ere izango dituzte:

1. Konpromisoa hartzea Durangoko Udalak banatzen dituen publizitate-materialak jaso eta establezimenduan ikusteko moduko lekuan jartzeko.
2. Durangoko Udalak egin beharreko egiaztatze- jarduketak onartzea, bai eta kontrol-organo eskudunek --Nazionalak zein Europar Batasunekoek -- egin dezaketen egiaztapen eta kontrol finantzarioko beste edozein jarduketa ere, eta jarduketa horietan eskatzen zaion informazio guztia ematea.

Kanpainari atxikitako saltokiek bost urtez gorde beharko dituzte bonuen erabilera justifikatzen duten tiketak edo fakturak.

14. Bateragarritasuna.

Ematen den diru-laguntzaren zenbatekoak ezin izango du, inola ere, diruz lagundutako erosketaren kostua gainditu, ez bakarka, ez beste administrazio publiko batzuen edo estatuko nahiz nazioarteko erakunde publiko edo pribatuen dirulaguntza, laguntza eta gainerako diru-sarrerekin batera.

15. Arau-hausteak eta zehapenak.

Durangoko Udalaren dirulaguntzak emateko araubidea arautzen duen Ordenantza Orokorraren 18. artikulua xedatutakoa bete beharko da.

16. Araubide juridikoa.

Oinarri hauetan xedatutakoaz gain, deialdi honek honako araudi hauek ezarritakoa bete beharko du: Durangoko Udalaren dirulaguntzak emateko araubidea arautzen duen Ordenantza Orokorra, dirulaguntzei buruzko azaroaren 17ko 38/2003 Lege Orokorra, aipatutako legearen erregelamendua onartzen duen uztailaren 21eko 887/2006 Errege Dekretua, Administrazio Publikoen Administrazio Prozedura Erkidearen urriaren 1eko 39/2015 Legea, deialdi bakoitzaren unean indarrean dagoen aurrekontua betearazteko araua eta aplikagarri den beste edozein araudi.